

Ludwig von Brandis bittet Bischof Heinrich von Chur, die Verleihung der Frühmesspfründe in der Kapelle St. Mamerta in Triesen an Hans Kindle von Triesen zu bestätigen.

Or. (A), Bischöfliches A Chur, 015.1997. – Pg. xx/xx (Plica xx) cm. – Siegel von Ludwig von Brandis abh., besch.; Siegelbeschreibung und Abb. bei Liesching/Vogt, Siegel, Nr. 12, S. 70f.

l¹ Dem^{a)} hochwirdigen fürsten vnd h[erren, h]ern^{b)} Hainrichen, bischouen ze Kür,¹ minem gnädigen herren, embût ich l² Ludwig fryherre von Brann diss² m[in]^{b)} willig dienst zû vor gnädiger herre. Âls dann wir von Brann diss vnd die l³ nachpurschaft zû Trisan³ da selbs ain frûmess jn sant Mamertren capell⁴ vor etlichen jarn gestift haben. l⁴ Âlso ist für mich kommen der ersam Hans Kindli,⁵ och von Trisan, bewyser diss briefs, und^{c)} mich demütiglich l⁵ gebetten, jm söliche frûmess zû Trisan jn der genannten capell jn Kürer bistumb gelegen durch gots willen l⁶ zû lyhen. Âlso hab ich angesehen sin demütiges gebett vnd söliche frûmess âls der eltest von Brann diss vnd l⁷ ain lehenherr der frûmess jm die ludterlich durch gottes willen von singens vnd lāsens wégen gelihen. Hiervff l⁸ hochwirdiger fürst vnd gnädiger herr so presentieren ich vch den genannten Hans Kindli âls sinem bischoff vnd l⁹ bitt vwer gnad, jr wöllen jnn uff die gemelten frûmess conformieren vnd bestäten nach ordnung der hailgen l¹⁰ cristenlichen kirchen, wie wol er noch nit der jaren vollkommen vnd aber sich vngevarlich jn fûnff jären zû l¹¹ der hailgen priesterlichen ordnung schicken sol vnd wil. Begeren ich mit gantzem willen vmb vwer fürstlichen l¹² gnad zû verdienen. Vnd des âlles zû vrkünd so hab ich vorgenannter Ludwig fry herre von Brann diss min aigen l¹³ jnsigel offenlich laussen hencken anden briefe, der geben ist an sambstag vor dem sonnentag cantate nach Cristi l¹⁴ gebürt tusendt vnd fûnffhundertt järe.

a) *Initiale D xx/xx cm gross.* – b) *Pg. besch.* – c) *Hier fehlt hat.*

¹ *Heinrich von Hewen (Hohenhewen, nw. Singen BW), 1491-1505.* – ² *Ludwig von Brandis, 1474-†1506.* – ³ *Triesen.* – ⁴ *Kapelle St. Mamerta in Triesen.* – ⁵ *Johannes Kindle, * um 1480, erw. bis 1522.*